

Reglugerð þessi, sem bæjarstjórn Siglufjarðarkaupstaðar hefur samið og sam- **44**
þykkt, staðfestist hér með samkvæmt vatnalögum, nr. 15 20. júní 1923, sbr. lög nr. **5. maí**
93 5. júní 1947, um aðstoð til vatnsveitna, til þess að öðlast gildi þegar í stað, og
birtist til eftirbreytni öllum þeim, sem hlut eiga að máli. Jafnframt er úr gildi felld
reglugerð fyrir vatnsveitu Siglufjarðarkaupstaðar nr. 142 24. júlí 1951, ásamt breyt-
ingum, sem á henni hafa verið gerðar.

Félagsmálaráðuneytið, 5. maí 1958.

Hannibal Valdimarsson.

Hallgrímur Dalberg.

SAMÞYKKT

45

12. maí

um lokunartíma sölubúða og sölustaða á Selfossi.

1. gr.

Sölubúðum og sölustöðum á Selfossi skal lokað eftir því sem ákveðið er í
2., 3., 4. og 5. gr. samþykktar þessarar.

2. gr.

Alla virka daga ársins, skal sölubúðum lokað kl. 18.00 og þær eigi opnaðar
aftur fyrr en kl. 8.00 árdegis næsta virkan dag.

Þó skulu vera þær undantekningar frá þessu, er hér greinir:

Aðfangadag jóla og gamlársdag skal sölubúðum lokað eigi síðar en kl. 13.00,
nema þegar aðfangadagur og gamlársdagur eru mánudagar, þá má hafa opið til
kl. 16.00.

Síðasta virkan dag fyrir aðfangadag jóla, skal heimilt að halda sölubúðum
opnum til miðnættis. Svo er og heimilt að hafa opið til kl. 22.00 einn virkan
dag á undan þessum degi, skömmu fyrir jól. 1. jan.—30. sept. skal lokað á laugar-
dögum eigi síðar en kl. 13.00.

Á tímabilinu frá 1. október til 31. desember skal lokað á laugardögum eigi síðar
en kl. 16.00.

Föstudaga á tímabilinu 1. janúar til 30. september má hafa opið til kl. 19.00.

3. gr.

Brauðsölubúðum og mjólkurbúðum má halda opnum, eins og öðrum verzlunum
og auk þess almenna helgidaga, sumardaginn fyrsta og fyrsta mánudag í ágúst-
mánuði frá kl. 8.00 árdegis til kl. 12.00 á hádegi. Þó skal loka jóladag, nýársdag og
páskadag eins og öðrum búðum.

Laugardaga á tímabilinu 15. maí til 15. sept. skal loka eigi síðar en kl. 16.00.

Ákvæði samþykktarinnar ná ekki til lyfjabúða.

4. gr.

Söluturnum (sælgætisbúðum), sem hafa fengið sérstakt leyfi hreppsnefndar,
má halda opnum til sölu blaða, tímarita, frímerkja, sælgætis, gosdrykkja, öls og
tóbaksvara, sem hér segir:

Á tímabilinu frá 1. maí til 30. september frá kl. 8.00 til 23.30, alla virka daga.

Á tímabilinu frá 1. október til 1. maí, frá kl. 8.00 til 22.00. Þó skal lokað föstu-
daginn langa, jóladag, hvítasunnudag, páskadag, aðfangadag og gamlársdag, eins
og venjulegum sölubúðum.

- 45 Eftir lokunartíma almennra sölubúða má sala aðeins fara fram gegnum afhend-
12. maí ingarlúgur þessara sölustaða, þannig að viðskiptamönnum er ekki hleypt þar inn.
Hreppsnefnd getur bundið leyfið skv. 1. gr. þeim skilyrðum, er hún telur nauð-
synleg og ákveðið árlegt gjald í hreppssjóð fyrir hvert leyfi.

5. gr.

Eftir lokunartíma sölubúða og sölustaða er óheimilt að selja á torgum og stræt-
um eða annars staðar utan sölubúða, nema úr sjálfsöllum, nokkurn varning, sem
ekki má selja nema skv. verzlunarleyfi.

6. gr.

Menn, sem komnir eru inn í sölubúð eða sölustaði fyrir lokunartíma, er heimilt
að afgreiða eftir að lokað er.

7. gr.

Lögreglustjóra er heimilt, þegar sérstaklega stendur á, að veita undanþágu frá
samþykkt þessari, fyrir einstaka daga og til þess að sala fari fram í góðgerðaskyni
eða til ágóða fyrir stofnanir eða fyrirtæki, sem að dómi lögreglustjóra horfir til
almenningsheilla.

8. gr.

Samþykkt þessi öðlast þegar gildi.

Samþykkt þessi, sem er gerð af hreppsnefnd Selfosshrepps, samkvæmt lögum
nr. 17 1. febr. 1936, staðfestist hér með og birtist til eftirbreytni öllum þeim, sem
hlut eiga að máli. Brot gegn samþykkt þessari varða sektum 20—500 krónum og
renna sektirnar í sveitarsjóð. Mál út af brotum gegn samþykkt þessari skal reka
sem almenn lögglumál.

Félagsmálaráðuneytið, 12. maí 1958.

F. h. r.

Hjálmar Vilhjálmsson.

Gunnlaugur Þórðarson.

46

6. maí

S A M Þ Y K K T

um forkaupsrétt og forleigurétt Eskifjarðarhrepps á hafnarmannvirkjum o. fl.

Samkvæmt heimild í lögum nr. 22 23. júní 1932, um forkaupsrétt kaupstaða og
kauptúna á hafnarmannvirkjum o. fl., hefur hreppsnefnd Eskifjarðar gert eftir-
farandi samþykkt:

Eskifjarðarhreppi er áskilinn forkaupsréttur og forleiguréttur á eftirgreindum
eignum í hreppnum:

Mjóeyri, með útihúsum, eignum Kaupfélagsins Bjarkar á Hlíðarenda, sölubúð,
geymsluhúsum, sláturhúsi og bryggju, Randólfshúsi með bryggju, Fiskþurrkunar-
stöð Sporðs h.f., frystihúsi og geymsluhúsum sama og bryggju, Hólmaborgarsjóhúsi,
Friðþjófssjóhúsi, geymsluhúsi Símonar Jónassonar, geymsluhúsi Arnþórs Jensen,
Svanshúsi með bryggju, Framnesi með lóð; í Útkaupstað: íbúðarhúsi, samkomuhúsi
Umf. Austra, Gömlubúð, bryggjuhúsi og fjósi, Pípugerð Eskifjarðar, Vélaverkstæði